



Broj: 02-16-3-208-28/16
Tuzla, 12.04.2016. god.

Na osnovu člana 61. Zakona o upravi („Službeni glasnik BiH“, broj: 32/02 i 102/09), člana 64. stav (1) tačka b), člana 70. stav (1), (3) i (6) i člana 89. Zakona o javnim nabavkama („Službeni glasnik BiH“ broj: 39/14), člana 8. stav (2) tačka d) Pravilnika o uspostavljanju i radu Komisije za nabavku („Službeni glasnik BiH“ broj: 103/14), člana 16. Pravilnika o javnim nabavkama u Agenciji za antidoping kontrolu Bosne i Hercegovine broj: 01-02-3-83/15 od 11.02.2015. godine, na Preporuku Komisije za nabavku usluga brze pošte broj: 02-16-3-208-25/16 od 11.04.2016. godine, u postupku javne nabavke usluga brze pošte direktor Agencije za antidoping kontrolu Bosne i Hercegovine **d o n o s i**:

O D L U K U
o izboru najpovoljnijeg ponuđača za nabavku usluga brze pošte
u međunarodnom i unutrašnjem poštanskom saobraćaju

Član 1.

Prihvata se Preporuka Komisije za nabavku usluga brze pošte, broj: 02-16-3-208-25/16 od 11.04.2016. godine i Okvirni sporazum za javnu nabavku usluga brze pošte u međunarodnom i unutrašnjem poštanskom saobraćaju za potrebe Agencije za antidoping kontrolu BiH dodjeljuje se ponuđaču DHL INTERNATIONAL d.o.o. sa sjedištem na adresi Džemala Bijedića 166a, 71000 Sarajevo, ponuda broj: 04-27/1 od 17.03.2016. godine, ponuda primljena 18.03.2016. godine, za ponuđenu cijenu od 7.543,26 KM bez PDV-a, kao najbolje ocijenjenom ponuđaču odnosno kao najbolje ocijenjena ponuda.

Član 2.

Ponuđač DHL INTERNATIONAL d.o.o. Sarajevo dostavio je najbolje ocijenjenu ponudu broj: 04-27/1 od 17.03.2016. godine, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine (u daljem tekstu: Zakon) u iznosu od 7.543,26 KM bez PDV-a, koja ispunjava sve formalno pravne uvjete tražene u tenderskoj dokumentaciji i koja je od strane ugovornog organa prihvaćena kao najpovoljnija ponuda.

Član 3.

Po pravosnažnosti ove odluke, ugovorni organ pozvat će izabranog ponuđača, iz člana 1. ove Odluke, radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Ova Odluka objaviće se na internet stranici Agencije za antidoping kontrolu Bosne i Hercegovine (www.ada.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona.

Član 5.

Za izvršenje ove Odluke zadužuje se Sektor za administraciju, međunarodnu saradnju i odnose sa javnošću.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke usluga brze pošte u međunarodnom i unutrašnjem poštanskom saobraćaju broj: 02-16-3-208-2/16 od 03.03.2016. godine. Javna nabavka je provedena putem konkurentskog zahtjeva za dostavu ponuda s ciljem zaključenja Okvirnog sporazuma na period od dvanaest (12) mjeseci sa jednim (1) dobavljačem. Procijenjena vrijednost javne nabavke bez PDV-a je 7.700,00 KM.

Komisija za javnu nabavku imenovana je Rješenjem broj: 02-16-3-208-3/16 od 03.03.2016. godine.

Obavještenje o nabavci broj: 372-7-2-17-3-3/16 objavljeno je na Portalu javnih nabavki 04.03.2016. godine kao i tenderska dokumentacija.

Tendersku dokumentaciju sa portala javnih nabavki preuzeli su sljedeći ponuđači:

- 1 BBS Europe
- 2 DHL International d.o.o. Sarajevo
- 3 Intereuropa RTC Međunarodna špedicija, skladištenje, pretovar i transport d.d. Sarajevo
- 4 JP BH POŠTA D.O.O. SARAJEVO
- 5 EURO EXPRESS D.O.O.



Rok za podnošenje ponuda bio je do 18.03.2016. godine do 13,00 h.

Zapisnik o otvaranju ponuda broj: 02-16-3-208-21/16 od 18.03.2016. godine dostavljen je svim učesnicima postupka nabavke 18.03.2016. godine i to putem e-maila.

Prilikom analize ponude ponuđača EURO EXPRESS d.o.o., Banja Luka utvrđeno je da su cijene različito iskazane u Obrascu za ponudu (Aneks 2) i Obrascu za cijenu ponude (Aneks 3).

Takođe, Komisija je utvrdila i druge greške u obrascu za cijenu ponude i obrascu ponude kao što su:

- cijena ponude iskazana brojevima i slovima u ANEKSU 3 nije ispravno navedena;
- cijena ponude iskazana u ANEKSU 3 [iskazana brojevima i slovima] i ANEKSU 2 je različita

Naime, u slučaju iskazivanja različitih cijena na pomenuta dva obrasca, kao važeći prihvata se Obrazac za cijenu ponude. Međutim, ponuđač je prilikom iskazivanja obračuna ukupne vrijednosti u KM bez PDV-a sa popustom u C) Obrazac za cijenu ponude - ukupna ponuda (a+b) u domaći transport - pošiljke unutar BiH unio pogrešan iznos od 1.577,45 KM (ispravan iznos je 1.348,50 KM bez PDV-a). Nakon sabiranja iznosa domaćeg transporta - pošiljke unutar BiH i internacionalne pošiljke - izvozne pošiljke ponuđač je iskazao ispravan iznos od 7.532,30 KM bez PDV-a. Ponuđač je takođe pogrešno obračunao iznos PDV-a na domaće pošiljke od 229,16 KM (ispravan iznos je 229,25 KM). Takođe ponuđač je, u Aneksu 3, pogrešno iskazao cijenu ponude brojevima i slovima. Naime, ponuđač je brojevima i slovima iskazao cijenu za domaće pošiljke u iznosu od 1.348,00 KM bez PDV-a a trebao je da iskaže cijenu od 7.532,30 KM bez PDV-a (ukupna cijena ponude u KM bez PDV-a) dok je ukupnu cijenu ponude u KM sa PDV-om iskazao u iznosu od 6.183,80 KM sa PDV-om a što je u stvari vrijednost ponude za internacionalne pošiljke KM bez PDV-a.

Agencija za antidoping kontrolu se obratila navedenom ponuđaču sa Zahtjevom za prihvatanje ispravke računске greške broj: 02-16-3-208-22/16 od 29.03.2016. godine u smislu ispravke navedenih grešaka.

Prikaz vrijednosti dostavljene ponude prije upućivanja zahtjeva za prihvatanje ispravke računске greške:

Rb	DOMAĆI TRANSPORT + INTERNACIONALNE POŠILJKE	Ukupna vrijednost u KM bez PDV-a sa popustom [POGREŠNO]
1	DOMAĆI TRANSPORT- POŠILJKE UNUTAR BIH	1.577,45
2	INTERNACIONALNE POŠILJKE - IZVOZNE POŠILJKE	6.183,80
UKUPNO KM BEZ PDV-a		7.532,30
PDV		229,16
UKUPNO KM SA PDV-om		7.761,46

Navedeni ponuđač je u ostavljenom roku prihvatio odnosno dao saglasnost za ispravku računске greške (akt broj: 01-1292/16 od 30.03.2016. godine) te je 01.04.2016. godine u 10:28 časova dostavio tražene ispravke.

Prikaz vrijednosti dostavljene ponude nakon prihvatanja ispravke računске greške:

Rb	DOMAĆI TRANSPORT + INTERNACIONALNE POŠILJKE	Ukupna vrijednost u KM bez PDV-a sa popustom [ISPRAVNO]
1	DOMAĆI TRANSPORT- POŠILJKE UNUTAR BIH	1.348,50
2	INTERNACIONALNE POŠILJKE - IZVOZNE POŠILJKE	6.183,80
UKUPNO KM BEZ PDV-a		7.532,30
PDV		229,25
UKUPNO KM SA PDV-om		7.761,55

Komisija za javnu nabavku dostavila je 11.04.2016. godine rukovodiocu ugovornog organa Zapisnik o pregledu i ocjeni ponuda broj: 02-16-3-208-24/16 od 11.04.2016. godine, Preporuku o izboru najpovoljnijeg ponuđača broj: 02-16-3-208-25/16 od 11.04.2016. godine i Izvještaj o radu broj: 02-16-3-208-26/16 od 11.04.2016. godine, u postupku javne nabavke - Konkurentski zahtjev za dostavu ponuda za nabavku usluga brze pošte u međunarodnom i unutrašnjem poštanskom saobraćaju.



U postupku po Izvještaju o radu utvrđeno je da je Komisija blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno tri (3) ponude,
- da su blagovremeno primljene ukupno tri (3) ponude,
- da nije bilo neglagovremeno zaprimljenih ponuda,
- da je ponuda ponuđača DHL International d.o.o. Sarajevo kvalifikovana i prihvatljiva te da su dostavljeni svi traženi dokazi propisani tenderskom dokumentacijom, na propisan način,
- da se ponuda ponuđača EURO EXPRESS d.o.o., Banja Luka, odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14) i člana 68. stav (4) tačka j) iz razloga jer navedeni ponuđač nije dostavio tražene dokaze na propisani način o ispunjavanju uslova lične sposobnosti i sposobnosti obavljanja profesionalne djelatnosti iz članova 45. i 46. Zakona o javnim nabavkama kao i što izjava iz člana 52. Stav (2) Zakona o javnim nabavkama nije dostavljena na ispravan način,
- da se ponuda ponuđača JP BH POŠTA d.o.o., Sarajevo, odbacuje na osnovu člana 68. stav (4) tačke a), i) i j) Zakona o javnim nabavkama (Sl. Glasnik BiH broj: 39/14) i iz razloga jer navedeni ponuđač nije dostavio cijenu u skladu sa članom 58. stav (1) tačka c) Zakona o javnim nabavkama (Sl. Glasnik BiH broj: 39/14) odnosno nije dostavio cijenu sa svim elementima koji je čine na način kako je definisano u tenderskoj dokumentaciji.

Ponuda ponuđača EURO EXPRESS d.o.o., Banja Luka nije prihvatljiva iz sljedećih razloga odnosno nije kvalifikovan iz razloga jer nije dostavio sljedeće dokaze tražene tenderskom dokumentacijom:

1. Ponuđač je dostavio Aneks 4 „Izjava o ispunjenosti uslova iz člana 45. stav (1) tačaka a), b) i d) Zakona o javnim nabavkama“ ali je isti ovjeren samo od strane ponuđača (nije ovjeren od strane nadležnog organa). Članom 45. stav (4) Zakona o javnim nabavkama („Službeni glasnik BiH“ broj 39/14) propisano je da „Kandidat/ponuđač u svrhu dokaza o ispunjavanju uslova iz stava (1) ovog člana dužan je dostaviti izjavu ovjerenu kod nadležnog organa, u formi i na način koji propisuje Agencija podzakonskim aktom“. Članom 21. stav (1) Uputstva za pripremu modela tenderske dokumentacije i ponuda („Službeni glasnik BiH“ broj 90/14) propisani su Aneksi.
2. Ponuđač je dostavio Aneks 5. „Pismena izjava u vezi člana 52. stav (2) Zakona o javnim nabavkama ali je isti ovjeren samo od strane ponuđača (nije ovjeren od strane nadležnog organa). Članom 52. stav (2) Zakona o javnim nabavkama („Službeni glasnik BiH“ broj 39/14) propisano je da „Svaki kandidat/ponuđač dužan je uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci“ a članom 21. stav (1) Uputstva za pripremu modela tenderske dokumentacije i ponuda („Službeni glasnik BiH“ broj 90/14) propisani su Aneksi.
3. Nije dostavljen dokaz tražen tačkom 3.2 stav a) tenderske dokumentacije. Tačkom 3.1 tenderske dokumentacije definisani su kvalifikacijski uslovi koje ponuđači moraju ispuniti da bi učestvovali u predmetnom postupku javne nabavke a tačkom 3.2 stav a) navedeni su potrebni dokazi: „Izvod iz sudskog registra ili drugi ekvivalentan dokument izdat od strane nadležnog organa kojim se dokazuje pravo na obavljanje predmetne djelatnosti u smislu člana 46. Zakona, ne starije od tri mjeseca od trenutka predaje ponude;“

Ponuda ponuđača EURO EXPRESS d.o.o., Banja Luka se odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14) i člana 68. stav (4) tačka j) iz razloga jer navedeni ponuđač nije dostavio tražene dokaze na propisani način o ispunjavanju uslova lične sposobnosti i sposobnosti obavljanja profesionalne djelatnosti iz članova 45. i 46. Zakona o javnim nabavkama kao i što izjava iz člana 52. Stav (2) Zakona o javnim nabavkama nije dostavljena na ispravan način.

Komisija je utvrdila da ponuda ponuđača JP BH POŠTA d.o.o., Sarajevo ne ispunjava sve zahtjeve u pogledu opisa predmeta nabavke i tehničkih specifikacija odnosno nije prihvatljiva iz sljedećih razloga:

Ponuđač u ANEKSU 3 (Obrazac za cijenu ponude – usluge) tenderske dokumentacije nije naveo sve tražene cijene u obrascu za cijenu ponude tj. nije naveo cijenu za stavku a) DOMAĆI TRANSPORT – POŠILJKE UNUTAR BIH pod tačkom 6. Ponuđač je na mjestu predviđenom za cijenu u KM bez PDV-a naveo „Usluga nije predviđena u cjenovniku“. U tački 7.1. Tenderske dokumentacije je navedeno „Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena“. U tački 12.2 Tenderske dokumentacije je navedeno „Cijena ponude obuhvata sve stavke iz obrasca za cijenu ponude, ukoliko je predmet nabavke podjeljen po stavkama“. U Aneksu 3 [Obrazac za cijenu ponude – usluge] je navedena napomena gdje je u tački 1 definisano sljedeće: „• Cijene moraju biti izražene u KM. Za svaku stavku u ponudi mora se navesti cijena.“

Ponuđač JP BH POŠTA d.o.o., Sarajevo u Aneksu-2 tenderske dokumentacije izjavio je da prihvata njene odredbe u cjelosti, bez ikakvih rezervi ili ograničenja te da ponudom odgovaraju zahtjevima iz tenderske dokumentacije za isporuku, u skladu sa uslovima utvrđenim u tenderskoj dokumentaciji, kriterijumima i utvrđenim rokovima, bez ikakvih rezervi ili ograničenja. Obzirom da ANEKSU 3 tenderske dokumentacije nije popunjen u skladu sa zahtjevom ugovornog organa (nisu navedene sve tražene cijene u ANEKSU 3) ponuda ponuđača JP BH POŠTA d.o.o., Sarajevo nije prihvatljiva za ugovorni organ jer ne ispunjava sve formalno pravne, ekonomske i tehničke uslove odnosno zahtjeve ugovornog organa i ne može biti predmet vrednovanja.



Ponuda ponuđača JP BH POŠTA d.o.o., Sarajevo se odbacuje na osnovu člana 68. stav (4) tačke a), i) i j) Zakona o javnim nabavkama (Sl. Glasnik BiH broj: 39/14) i iz razloga jer navedeni ponuđač nije dostavio cijenu u skladu sa članom 58. stav (1) tačka c) Zakona o javnim nabavkama (Sl. Glasnik BiH broj: 39/14) odnosno nije dostavio cijenu sa svim elementima koji je čine na način kako je definisano u tenderskoj dokumentaciji.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač DHL INTERNATIONAL d.o.o. Sarajevo, najbolje ocijenjen primjenjujući kriterij najniže cijene koja je ponuđena u iznosu od 7.543,26 KM bez PDV-a.

Naziv ponuđača čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU		
1	Naziv/ime ponuđača	DHL INTERNATIONAL d.o.o.
2	Sjedište i adresa	Džemala Bijedića 166a, 71 000 Sarajevo
3	ID broj:	4200054590001
4	Ukupna cijena ponude bez PDV-a	7.543,26 KM
5	Ukupna cijena ponude sa PDV-om	7.854,71 KM
6	Rok plaćanja	20 dana
7	Važenje ponude	60 dana od dana isteka roka za prijem ponuda tj. do 19.05.2016. godine

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama („Službeni glasnik BiH“ broj: 39/14) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Dostavljeno:

- 1 x EUROEXPRESS d.o.o. Banja Luka
- 1 x DHL International d.o.o.
- 1 x JP BH POŠTA d.o.o. Sarajevo
- 1 x Povjerenstvo za javne nabave
- 1 x a/a

